

四

搜玉小集


內崔湜宋之間張諤李琦崔融並多一首而長胡鵠皆闕尚當攷之詩振錄西

崔湜

四首

韓休

一首



胡鵠

一作胡皓

裴濯

一首

劉希夷

三首

賀朝

一首

屈同

一首

鄭愔

一首

楊炯

一首

徐彥伯

四首

盧照鄰

一首

東方虬

一首

郭元振

一首

駱賓王

一首

崔顥 一首
劉允濟 一首

喬知之 二首
沈佺期 四首

張炫 一首
徐晶 一首

王泠然 二首
許景先 一首

宋之問 四首
王翰

杜審言 一首
劉幽求 一首

魏徵 二首
陳子昂 一首

王勃 一首
蘇味道 一首

王諶 一首
徐璧 一首

余延壽 一首
張諤 三首

李澄之 一首
李嶠 二首

崔融 五首

凡三十七人共六十三首

奉和御製白鹿觀 崔湜

御旗探紫錄仙仗闢丹丘
捧藥芝童下

焚香桂女留鸞歌無歲月
鶴語記春秋

臣朔何其幸常陪漢武遊

奉和御製平湖 裴漼

玄漠聖恩通由來書軌同忽聞窺月滿
相聚寇雲中廟略占黃氣神兵出絳宮
將軍行逐虜使者亦和戎一舉輶輶滅
再麾沙朔空直將威禁暴非用武爲雄
飲至明軍禮醅勲錫武功二戈還載戰
文德在唐風

同前

韓休

南牧正紛紛長河起塞氛玉兵徵選士
金鉞拜將軍疊鼓搖邊吹連旌暗朔雲

妖星乘夜落害氣入朝分始見幽烽警
俄看烈火焚功成奏凱樂戰罷策歸勲
盛德陳清廟神謨屬大君叨榮逢偃伯
率舞詠時文

西征軍行遇風

崔融

北風卷塵沙左右不相識風颭吹萬里
昏昏同一色馬煩莫敢進人急未遑食
草木春更悲天景晝相匿夙齡慕忠義
雅尚存孤直覽史懷浸驕讀書歎孔棘

及茲戎旅地忝從書記職兵氣騰北荒
軍聲勢西極坐覺威靈遠行看祲氛息
愚臣何以料倚馬申微力

塞垣行

崔湜

疾風卷暝海萬里揚沙礫仰望不見天
昏昏竟朝夕是時軍兩進東拒復西摘
蔽山張旗鼓間道潛鋒鏑精騎突曉圍
竒兵襲暗壁十月邊塞寒四山江陰積
雨雪鴈南飛風塵景西迫昔我事討論
未嘗怠經籍一朝棄筆硯十年操矛戟
豈要黃河誓須勒燕然石可嗟牧羊臣
海上久爲客

大漠行

單于犯薊塹驃騎略蕭邊
兩山木葉飛下地北海蓬根亂
上天科斗連營太原道魚麗合陣
武威川三軍遙倚仗萬里相馳逐
旌旆悠悠靜瀚源
鼙鼓喧喧動盧谷窮徼出幽陵
吁嗟倦寢興馬啼凍

溜石胡毳暖上冰雲沙泱泱天光閉河
塞陰沈海色凝崆峒異國誰能託蕭索
邊心常不樂近見行人畏白龍遙聞公
主愁黃鶴陽春半岐路間瑤臺苑玉門
關百花芳樹紅將歇二月蘭皋綠未還
陣雲不散魚龍水雨雪猶飛鴻鴈山山
障連綿不可極路遠辛勤夢顏色北堂
萱草不寄來東園桃李長相憶漢將紛
紜攻戰盈胡寇蕭條幽朔寧韓君拜節

偏知遠鄭吉驅旌坐見迎火絕煙沈右
西極谷靜山空左北平但使將軍能百
戰不須天子築長城

將軍行

劉希夷

將軍關轅門耿介當風立諾將欲言事
遠巡不敢入劔氣射雲天鼓聲破原隰
黃塵塞路起走馬追兵急彎弓從北去
飛箭如南集截圍一百重斬首五千級
代馬流血死胡兵抱鞍泣古來養甲兵

有事常討襲乘我廟堂運坐使干戈
獻凱還帝京軍容何翕習

從軍行

賀朝

朔胡乘月寇邊城軍書插羽刺中京
天子金壇拜飛將單于玉塞振佳兵
騎射先鳴推任俠龍韜決勝佇時英
聞有河湟客悒悒理帷帟常山啓霸圖
汜水先天策銜珠浴鐵向桑乾
纛旗膏鼓指烏丸鳴雞已報關山曉
來鴈遙傳沙塞寒

直爲寸心從苦節隴頭無水長鳴咽
邊樹蕭蕭不覺春天山漠漠長飛雪
魚麗陣接塞雲平鴈翼營通海月明
始看晉幙飛鶴入旋聞齊壘啼烏聲
自從一戍燕支山春光幾度晉陽關
金河采轉青絲騎玉筋應啼紅粉顏
鴻歸鷺相逐池邊芳未綠已見氣清
細柳營莫更春歌落梅曲烽沈竈滅
靜邊亭海晏山空肅已寧行望鳳京
旋凱捷重來麟閣畫丹

青

燕歌行

此篇已見國秀集中有八字不同

屈同

漁陽八月塞草腓
征人相對併思歸
雲和朔氣連天暗
蓬雜驚沙散野飛
此時天地陰埃徧
瀚海龍城皆血戰
兩軍鼓角暗相聞
四面旌旗看不見
昭君遠嫁已年多
戎狄無厭尚不和
漢兵候月秋防塞
胡騎乘冰夜渡河
河塞東西萬餘

里地與京華不相似
燕支山上少光輝
黃沙磧裏無流水
金戈玉劔十年征
紅粉青樓多怨情
厭得殊方久爲別
秋來但聽擣衣聲

塞外

鄭愔

荒壘三軍夕窮郊
萬里平海陰凝獨樹
月氣下連營
戎旆霜凝重
邊裘寒更輕
將軍猶轉戰
都尉不成名
折柳悲春曲
吹葭斷夜聲
明年漢使返
須築受降城

紫騮

楊炯

俠客重周遊金鞭控紫騮蛇弓白羽箭
鶴轡赤茸鞞發跡來南海長鳴向北州
匈奴今未滅畫地取封侯

胡無人行

徐彥伯

十月繁霜下征人遠鑿空雲搖錦車節
海照角端弓暗雪埋沙樹衝飈卷塞蓬
方隨膜拜入歌舞玉門中

王昭君

盧照隣

合殿恩中絕交河使漸稀肝腸隨玉輦
形影向金徽漢宮草應綠胡庭沙正飛
願遂三秋鴈年年一度歸

同前

東方虬

漢道方全盛朝廷足武臣何須薄命妾
辛苦事和親

同前

郭元振

聞有南河信傳言殺畫師始知君念重
更肯惜蛾眉

晚度天山有懷京邑

駱賓王

忽上天山望依然想物華雲疑上苑葉
雪似御溝花行歎戎麾遠坐令衣帶賒
交河浮絕塞弱水浸流沙旅思徒漂梗
歸期未及瓜寧知心斷絕夜夜泣胡笳

送公主和戎

徐彥伯

鳳展憐簫曲鸞帷念掌珍虜庭遙築館
漢使遠和親星去銀河夕花移玉樹春
聖情悽割愛駐驛望征塵

古意

崔湜

十五嫁王昌盈盈出畫堂自矜年正少
復倚壻為郎舞愛前溪綠歌憐午夜長
閑時鬪百草度日不成粧

酬杜麟臺春思

春還上林苑花滿洛陽城鴛衾夜凝思
龍鏡曉含情憶夢殘燈落離魂聞馬驚
可憐朝與暮樓上獨盈盈

春閨

徐彥伯

戊客戍清波幽閨幽思多暗梁聞語燕
夜燭見飛蛾寶匣藏脂粉金屏綴綺羅
裁衣卷紋素織錦度鳴梭有使通西極
緘書寄北河年光只恐盡征戰莫蹉跎

怨情

劉允濟

玉關芳信斷蘭閨錦字新愁來不自抑
念切已含頰虛牖風驚夢空牀月厭人
歸期儻可促勿度柳園春

春怨

鄭愔

春朝物候妍愁婦鏡臺前風吹數蝶亂
露洗百花鮮試出褰羅幌還來著錦筵
曲中愁夜夜樓上別年年不及隨蕭史
高飛向紫煙

春閨

沈佺期

汗馬三軍去流鶯二月還邊愁行上國
春夢度陽關池水琉璃淨園花玳瑁斑
歲華空自擲憂思不勝顏

秋閨

鄭愔

征客向輪臺幽閨寂不開音書秋鴈斷
機杼夜蛩催虛幌風吹葉閑階露濕苔
自憐愁思影共作月徘徊

古意

沈佺期

盧家小婦鬱金堂海燕雙棲玳瑁梁
九月寒砧催木葉十年征戍憶遼陽
白狼河北軍書斷丹鳳城南秋夜長
誰知含愁獨不見更教明月照流黃

閨怨

此篇已見於國秀集詩
自同而名爲孤獨歎

徐彥伯

切切夜閨冷微微孤燭燃
玉盤紅淚滴金燼彩光圓
暖手縫輕素嚙蛾續斷絃
相思咽不語回向錦屏眠

怨辭

張炫

去年離別鴈初歸今日裁縫螢已飛
征客未來音信斷不知何處寄邊衣

秋閨

喬知之

南庭結白露北風掃黃葉
此時鴻鴈來

驚鳴催思妾曲房理針線平砧搗紋練
鴛綺裁已成龍鄉信難見窈窕九重閨
寂寞十年啼紗牕白雲宿羅幌月光棲
雲月隱微微夜上流黃機玉霜凍珠履
金吹薄羅衣漢家已得地君去將何事
宛轉結蠶書寂寥無鴈使平生荷恩信
本爲容華進況復落紅顏蟬聲催白鬢

擣衣篇

劉希夷

秋天瑟瑟夜漫漫夜白天清玉露團燕
山遊子衣裳薄秦地佳人閨閣寒欲向
樓中縈楚練還來機上裂齊紈攬紅袖
兮愁徒倚盼青砧兮悵盤桓盤桓徒倚
夜已久螢火雙飛入簾牖西北風來吹
細腰東南月映浮纖手此時秋月可憐
明此時秋風別有情君看月下參差影
爲聽莎間斷續聲絳河轉兮青雲曉飛
鳥鳴兮行人少攢眉緝縷思紛紛對影
穿針魂悄悄聞道還家未有期誰憐登

隴不勝悲夢見形容亦舊日爲許裁縫
改昔時緘書遠寄交河曲須及明年春
草綠莫嫌衣上有斑斑只爲思君淚相
續

題河邊枯柳

王泠然

隋家天子憶揚州厭坐深宮傍海陬穿
地鑿山開御路鳴笳疊鼓沉春流流從
鞏北河分口直到淮南種官柳功成力
盡人旋亾運謝年移樹空有當時綵女

侍君王帳殿旌門對柳行青葉交垂連
幔色白花飛散染衣香今日摧殘何用
道數里曾無一株好驛騎江帆損更多
山精野鬼藏應老深秋九月露爲霜日
夜孤舟入帝鄉河畔時時聞落葉客中
無箇不霑裳

折柳篇

許景先

春色東來度灞橋青門垂柳百千條垂
柳西連建章路漢家禁苑紛無數榮花

始徧合歡枝遊絲半骨相思樹秦樓初
日照南隅柔條垂綠映金鋪寶釵新梳
髮鬢髻錦帶交垂連理襦自憐柳塞淹
戎幕銀燭長啼愁夢著芳樹朝催玉管
新春風夜染羅衣薄城頭楊柳已如絲
今年花落去年時折芳遠寄相思曲爲
惜容華難再持

長信宮樹

喬知之

婀娜當軒樹葦茸倚蘭殿葉映九春華

香搖五明扇餘花鳥哢盡新葉虫書徧
零落容自知芬芳君不見

同蔡孚五亭詠

徐晶

章奏中京罷雲容別業歸拂琴鋪野席
牽柳挂朝衣翡翠巢書幌鴛鴦立釣磯
幽棲可憐處春事滿林扉

阮公體

秦王按劔怒發卒戍龍沙雄圖尚未畢
海內已紛拏黃塵暗天起白日斂精華

唯見長城外僵屍如亂麻

贈蘇管記

杜審言

北地寒應苦南庭戍不歸邊聲亂羌笛
朔氣卷戎衣雨雪関山暗風霜草木稀
胡兵戰欲盡虜騎獵猶肥鴈塞何時入
龍城幾度圍據鞍雄劔動搖筆羽書飛
輿駕還京邑朋游滿帝畿方期乘獻凱
歌舞共春輝

溫泉莊卧疾寄楊七炯宋之問

宋之問

移疾臥茲嶺寥寥倦幽獨賴有嵩高山
高枕長在目茲山棲靈異朝夕翳雲族
是日濛雨暗反影入巖谷羃洛何悠漫
川原信重復夏餘鳥獸蕃秋來禾黍熟
秉願守樊圃歸閑欣藝牧惜無載酒人
徒把涼潭菊

述懷

中原初遂鹿投筆事戎軒縱橫計不就

慷慨志猶存杖策謁天子驅馬出關門
請纓繫南越憑軾下東藩鬱綠陟高岫
出沒望平原古木吟寒鴈空山啼夜猿
旣傷千里日還驚九歎魂豈不憚艱險
深懷國士恩季布無二諾侯嬴重一言
人生感意氣功名誰復論

慕秋言懷

首夏別京輔抄秋滯三河沈沈蓬萊閣
日久鄉思多霜翦涼地蕙風梢幽渚荷
歲芳坐淪歎感此式微歌

白帝懷古

日落滄江晚停橈問土風城臨巴子國
臺沒漢王宮荒服仍周甸深山尚禹功
巖懸青壁斷地險碧流通古木生雲際
歸帆出霧中川途去無限客思坐何窮

書懷

劉幽求

心爲明時盡君門尚不容田園迷徑路
歸去路何從

桂陽三日述懷

宋之問

代業京華裏遠投魍魅鄉登高望不極
雲海四茫茫伊昔乘休盼常爲人所羨
兩朝賜顏色二紀倍歡宴昆明宿昔遇
龍媒伊闕天泉復幾回西夏黃河水心
劍東周西洛羽觴杯苑中落花掃還合
河畔垂楊撥不開于春萬壽多行樂柏
梁和歌攀睿作賜金顏色春恩輝風舉
雲搖入紫微晨趨北闕朝天去夜出南

宮把燭歸載筆儒林多歲月樸被文昌
事吳越

山海高且深興來無處不

登臨永和九年佐海郡暮春三月醉山
陰愚謂嬉遊長似昔不言流寓歛成今
始安繁華舊風俗帳飲傾城沸江曲主
人管絃清且悲客子肝腸斷還續荔浦
蘅臯萬里餘洛陽音信絕能踈故園今
日應愁思春水何人更袂除逐伴誰憐
合浦葉思歸不食桂江魚不求漢吏金

囊贈願得家人錦字書

九日升高

王勃

九月九日望鄉臺他席他鄉送客杯人
今已厭南中苦鴻鴈那從北地來

觀燈

蘇味道

火樹銀花合星橋鐵鎖開暗塵隨馬去
明月逐人來遊騎皆穠李行歌盡落梅
金吾不禁夜玉漏莫相催

夜遊

沈佺期

今夕重門啟游春得夜芳月華連晝色
燈影雜星光南陌青絲騎東隣紅粉粧
管絃遙辨曲羅綺暗聞香人擁行歌路
車攢鬪舞場經過猶未已鍾鼓出長揚

觀燈

王諲

暫得金吾夜通看火樹春停車傍明月
走馬入紅塵妓雜歌偏勝場移舞更新
應須盡記取說向不來人

夜光篇

王泠然

遊人夜到汝陽間夜色冥濛不鮮顏誰
家暗起寒山燒因此明中得見山山頭
山下須臾滿歷險緣深無暫斷焦聲散
着羣樹鳴炎氣衝臨一川暖是時西北
多海風吹土連天光更雄濁煙熏月黑
高焰熱雲紅初謂鍊丹仙竈裏還疑鑄
劍神溪中劃爲飛電來照物乍作流星
併上空西山無草光已滅東頂熒熒猶
未絕沸湯穹吞數道水融蓋陰崖幾年

雪兩京貧病若爲居四壁皆成鑿照餘
未得貴遊同秉燭唯將半景借披書

催粧

徐璧

傳聞燭下調紅粉明鏡臺前別作春不
須滿面渾粧却留著雙眉待畫人

翦綵

沈佺期

宮女憐芳樹裁花競早榮寒依刀尺盡
春向綺羅生弱帶盤絲發香鞋結素成
織枝幸不棄長就上階傾

人日翦綵

余延壽

閨婦持刀坐自憐
裁翦新葉催情綴色
花寄手成春帖
燕留粧戶黏雞待餉人
擎來問夫婿何處不如真

三日岐王宅

張諤

玉女貴妃生髮規
始發聲金盆浴未了
綉子繡初成翡翠雕
芳褥真珠帖小纓
何時學徒步鬪取落花輕

滿月

社金流茂社庭玉表竒
才竹似因談植
蘭疑入夢裁烏將八子去
鳳逐九雛來
今夜明珠色當隨滿月開

太平公主山亭侍宴應制

李嶠

黃金瑞榜絳河隈
白玉仙輿紫禁來
碧樹青岑雲外聳
朱樓畫壁水中開
龍舟下瞰鮫人室
羽節高臨鳳女臺
遽惜歡娛歌吹晚
揮戈更却曜靈回

岐王席上詠美人

張諤

半額畫雙蛾盈盈燭下歌
玉杯寒意少金屋夜情多
香豔王分帖裙嬌勅賜羅
平陽莫相妬喚出不如他

汾陰行

李嶠

君不見昔日西京全盛時
汾陰后土親祭祠
齊宮宿寢設儲供
撞鐘鳴鼓樹羽旗
漢家四葉才且雄
賓延萬靈服九戎
栢梁賦詩高宴罷
詔書法駕幸河東
河

東太守親掃除奉迎至尊導鑾輿
五營夾道列容衛
三河縱觀空里閭
回旗駐蹕降靈場
懷椒奠桂邀百祥
金鼎發色正焜煌
明祗煒燁摘景光
陳玉埋牲禮神畢
氣麾上帝乘輿出
彼汾之曲佳可遊
木蘭爲楫桂爲舟
棹歌微吟彩鷁浮
簫鼓哀鳴白雲秋
歡娛宴賜洽羣后
家家復除戶牛酒聲
明動天樂無有千秋
萬歲南山壽自從天子
向南關玉輦金

車不復還珠簾翠羽長寂寞鼎湖龍髯
何處攀千年人事一朝空四海爲家此
路窮雄豪意氣今何在壇場宮觀盡蒿
蓬道傍古老長歎息世事回環不可識
昔時青樓對歌舞今日黃埃聚荆棘山
川滿目淚霑衣富貴榮華能幾時不見
卽今汾水上唯有年年秋鴈飛

代白頭吟

劉希夷

洛陽城東桃李花飛來飛去落誰家洛
陽女兒惜顏色行逢落花長歎息今年
花落顏色改明年花開復誰在已見松
柏摧爲薪更聞桑田變成海古人無復
洛城東今人還對落花風年年歲歲花
相似歲歲年年人不同寄言全盛紅顏
子須憐半歿白頭翁此翁白頭真可憐
伊昔紅顏美少年公子王孫芳樹下清
歌妙舞落花前光祿池臺文錦繡將軍
樓閣畫神仙一朝臥病無知己三春行

樂在誰邊宛轉蛾眉能幾時須臾鶴髮
亂如絲但看古來歌舞處唯有黃昏鳥
雀悲

明河篇

宋之問

八月涼風天氣清萬里無雲河漢明昏
見南樓清且淺曉落西山縱復橫洛陽
城闕天中起長河夜夜千門裏複道連
薨共蔽虧畫堂瓊戶特相宜雲母帳前
初汎濫水精簾外轉逶迤倬彼昭回如

練白復出東城接南陌南陌征人去不
歸誰家今夜擣寒衣鴛鴦綺上疎螢度
烏鵲橋邊一鴈飛鴈飛螢度愁難歇坐
見天河傾漸沒已能舒卷任浮雲不惜
光輝灑流月明河可望不可親願得乘
槎一問津更將織女支機石還訪成都
賣卜人

韋長史挽歌

崔融

日暮桑榆下寒生松柏中冥冥多苦霧

切切有悲風京兆新阡今
扶湯氏第空
郭門從此去荆棘漸蒙籠

度大庾嶺

宋之問

庾嶺方辭國停輶一望家
魂隨南翥鳥
涼盡北枝花山雨初含霽
江雲欲變霞
但令歸有日不敢恨長沙

過蠻洞

越嶺千重合蠻溪十里斜
竹迷樵子徑
浮匝釣人家林暗交楓葉
園香覆橘花

誰憐在荒外孤賞足雲霞

登越王臺


江上越王臺登高望幾回
南溟天外合
北戶日邊開地濕煙常起
山晴雨半來
落花掃盧橘夏葉摘楊梅
跡類虞翻枉
人非賈誼才歸心不可度
白髮重相催

詠寶劍

寶劍出昆吾龜蛇夾彩珠
五精初獻術
千戶競淪都匣氣衝牛斗
山形

欲知天下貴持此問風

世宗集終



通鑑